



**Bryniau Clwyd a
Dyffryn Dyfrdwy**
Clwydian Range
and Dee Valley

Ardal o Harddwch Naturiol Eithriadol
Area of Outstanding Natural Beauty

CYD-BWYLLGOR
ARDAL O HARDDWCH NATURIOL EITHRIADOL
BRYNIAU CLWYD A DYFFRYN DYFRDWY

Cynhaliwyd ar: 23 Tachwedd 2018

Aelod / Swyddog Arweiniol: Gareth O Williams

Awdur yr Adroddiad: Paula O'Hanlon / Huw Rees

**Teitl: CYLLIDEB A SEFYLLFA ARIANNOL DERFYNOL Y CYD-BWYLLGOR
2018/19**

1. Am beth mae'r adroddiad yn sôn?

Mae'r adroddiad yn manylu ar sefyllfa alldro cyllideb refeniw yr Ardal o Harddwch Naturiol Eithriadol (AHNE) ar gyfer 2018/19.

2. Beth yw'r rheswm dros lunio'r adroddiad hwn?

Pwrpas yr adroddiad yw rhoi diweddariad ar sefyllfa ariannol yr AHNE ar gyfer 2018/19.

3. Beth yw'r Argymhellion?

- (i) Gofyn i'r aelodau nodi'r rhagolwg diweddaraf o'r alldro ariannol ar gyfer 2018/19 (Atodiad 1) a chynnydd o ran y strategaeth y cytunwyd arni ar gyfer y gyllideb.
- (ii) Gofynnir i aelodau nodi Adroddiad Blynyddol Swyddfa Archwilio Cymru ar gyfer y Flwyddyn a Ddaeth i ben ar 31 Mawrth 2018 (Atodiad 2) sydd yn nodi bod y cyfrifon ar gyfer blwyddyn ariannol 2017/18 mewn cyflwr da.

4. Manylion yr Adroddiad.

Mae'r adroddiad hwn yn rhoi crynodeb o gyllideb refeniw yr AHNE ar gyfer 2018/19 fel y manylir yn Atodiad 1. Cyllideb gwariant gros yr AHNE yw £440,730. Y rhagolwg alldro ar hyn o bryd ydi mantoli'r gyllideb ar draws y gyllideb graidd a chyllideb ardal.

5. Sut mae'n cyfrannu at Flaenoriaethau Cynlluniau Rheoli AHNE Bryniau Clwyd a Dyffryn Dyfrdwy?

Bydd rheoli cyllidebau refeniw'r AHNE yn effeithiol yn helpu cyflawni blaenoriaethau cytunedig y cynllun rheoli ar gyfer y flwyddyn bresennol ac yn tanategu gweithgarwch ym mhob maes, yn enwedig ein perthynas â'n partneriaid cyllido a'n cyd-flaenoriaethau.

6. Faint fydd hyn yn ei gostio a sut y bydd yn effeithio ar wasanaethau eraill?

Nid oes unrhyw gostau uniongyrchol yn gysylltiedig â'r adroddiad hwn.

7. Beth yw prif gasgliadau'r Asesiad o Effaith ar Gydraddoldeb a gynhaliwyd ar y penderfyniad? Dylai'r templed AEC wedi'i lenwi gael ei atodi fel atodiad i'r adroddiad.

Amherthnasol

8. Pa ymgynghoriadau a gynhaliwyd gyda'r Pwyllgorau Craffu ac eraill?

Cyflwynwyd y gyllideb arfaethedig ar gyfer 2018/19 i gyfarfod y Cyd-bwyllgor ym mis Mehefin ac fe'i cymeradwywyd.

9. Datganiad y Prif Swyddog Cyllid

Mae'r adroddiad hwn yn amlinellu sefyllfa ariannol ddiweddaraf yr AHNE ar gyfer 2018/19. Ar hyn o bryd, rhagwelir y bydd gorwariant bychan yng nghyllideb cyflog Ardal oherwydd adolygiadau graddio, ond caiff hyn ei ariannu gan gyllideb wrth gefn a gedwir yng nghyllideb cyflog craidd.

O ran blwyddyn ariannol 2019/20, yr arwyddion cynnar yw nad yw Cyngor Sir Ddinbych yn bwriadu gostwng y lefelau cyllid cyfredol ar gyfer yr AHNE. Fodd bynnag, ni fydd hyn wedi'i gadarnhau nes gofynnir i'r Cyngor Llawn gymeradwyo ei gyllideb ar gyfer y flwyddyn ariannol newydd yn ffurfiol.

Mae grant Cyfoeth Naturiol Cymru wedi'i gytuno ar gyfer 2019/20 a 2020/21. Serch hynny mae'r cyfnod hwn o ddarbodaeth sector cyhoeddus yn debygol o barhau a rhaid cydnabod fod cyllidebau pob corff cyhoeddus yn debygol o ddod o dan bwysau cynyddol dros y blynyddoedd nesaf.

10. Pa risgiau sydd yna ac oes yna unrhyw beth y gallwn ei wneud i'w lleihau?

Mae'r gyllideb bresennol yn ddibynnol ar incwm gan CNC a'r tri Awdurdod Lleol. Bydd unrhyw newidiadau i'r lefelau incwm hyn yn peri risg i gyflawni prosiectau yn y dyfodol a'n gallu i gyflawni yn erbyn y blaenoriaethau yng Nghynllun Rheoli'r AHNE.

11. Pŵer i wneud y Penderfyniad

Mae'n ofynnol i awdurdodau lleol o dan Adran 151 Deddf Llywodraeth Leol 1972 wneud trefniadau ar gyfer gweinyddu eu materion ariannol yn briodol.